



4 Vokabulario

Tòr purunchi

Awaseru ta kai.
Lisa ta sinta den veranda.
E ta mira awa kai.
Di ripiente un tòr purunchi
ta kana bin.
Pokopoko e ta
subi riba slòf di Lisa.

Akim ta bai sinta banda di Lisa.
'Hei, wak!' e ta grita.
'Un bestia chikitu!'
'No mishi kuné,' Lisa ta bisa.
'Kasi sigur bo a kere
ta un kakalaka, no?
Pero esaki ta un tòr purunchi.

Tin masha sorto di tòr purunchi.
Tòr kòrá, hel, blanku i hasta pretu.
Wak, e tin poko pik-pik
riba su lomba.
Nan ta manera purunchi.
Tòr purunchi no ta hasi
nada malu.

Hende grandi gusta
ora tin tòr purunchi
den nan kurá.
Nan ta kome tur pispis.
Pispis semper ta saboriá di
mami su matanan.

Awor ku áwaseru ta kai,
e tòr purunchi a bin keiru
un ratu serka nos.'

Akim ta karisiá
e bestia chikitu.
'Keda kuantu ku bo ke
serka nos den veranda,'
e ta bis'é pokopoko.



Tarea 1

Bo sa e kontesta?
Den veranda di Lisa tin un tòr
purunchi.
Un tòr purunchi ta un insekto.
• Wak e plachinan bon.
• Kua insekto mas bo ta mira?
• Buska e palabranan den e rei aki
bou.

• Skibi e palabranan den e frasenan
den bo buki di tarea.

Tarea 2

• Konta kua di e insektonan akí ta
peligroso i kua no.

barbulètè kriki lisimbein muskita

sangura tòr purunchi vruminga yeye